

全華叢書



全華策書



坻粟京稼籌算掛壁萬貨四湊此吾主人翁所以佚
其老也少進至於門聞行語於塗者曰豐林邃宇尊
俎靜嘉鷗鷺不驚風月相答此吾豪長者所以佚其
老也又進至於郊聞聚語於塾者曰培嗣以學旣櫟
旣莠秩壺以禮旣序旣飭此吾鄉丈人所以佚其老
也他日吳君爲予道之予曰夫三者之言何如吳君
曰階得吾粕塗得吾滴塾得吾醇出浸遠而說浸近
吾名吾室義其究於此乎予曰未旣也畏嶠登輿身
閒心慄厭市築墉目靜耳喧君雖善自佚踰闌以往

肩頰腹枵者踵相接歲或不升疴瘠困憊呻吟交於
大達專一室之佚樂乎哉君里中望也盍勸相族黨
惕勞賑乏已責紓逋同其佚於是鄉則盡橫山表裏
皆君佚老菴也其視尺椽半席廣狹何若吳君謝曰
厚矣子之拓吾境也顧童奴陷其說於壁閒以爲券

入越錄

淳熙元年八月二十八日自金華與潘叔度爲會稽
之游辰後出旌孝門五里至關頭南折入會稽路二
里桐樹嶺八里東藕塘城東陂塘此爲大漑田甚博

他時秋夏之交輒涸今歲雨澤以時田不叩水秋深
猶瀰漫也十五里含香民居頗成聚落道旁野塘木
芙蓉初發映水殊有思致十里義井五里上下倉十
里孝順鎮十里自驛路北折入香山路五里宿杭慈
潘氏莊凡行七十里是日凝陰不開風襲人已有力
始御袂四山雲氣滃然岡巒出沒申後微雨夜遂大
二十九日早冒雨行二里小鳳林寺涉溪屈曲稻塍
間泥淖沒屨五里苦山二十里梅口邸舍蠲潔勝官
道蓋行賈避義烏市征往往出此十五里香山林壑

稍遂八里下稠巖景德寺寺屋可百年繪事皆朴質
飯于小軒方池叢竹皆有趣然稍蕪矣七里塘口自
是復出驛路老梧離立道旁濯濯如青玉幹又二里
宿逆旅凡行五十九里晡後雨始歇所歷大抵匆匆
不能詳也 三十日早發二里石斛橋溪流潺潺岸
旁大石如屋橋西走浦江道也度橋而北十里石牛
有樓臨路樓下牖戶亦明敞主人畱小語云創以待
使客非其居也所謂石牛者道下塘臥石若牛水滿
不可見五里洞并居民依小坡植鷄冠花數百本冠

距低昂大類尸鄉呪雞翁舍雲薄見日已而大霽十里新界自石斛橋道出兩山間少曠土至此山圍始寬秋稼極目黃雲蔚然過義烏東陽浦江永康四縣巡檢寨婺越界焉五里邵家灣觀五指山其巔石如駢拇然近視不若遠望飯民家舍後水竹可步逢驅羊行賈者數百蹄散漫山谷風毛沙肋頓有汧隴秋色五里涉楓江土俗諺云第一楊子江第二錢塘江第三楓江蓋甚言其水波惡實小溪耳聞春夏頗湍悍今僅至脛而已南岸有覆斗山山形正方若斗覆

五里興樂槿花夾道室廬籬落皆整五里界牌隴平
坡淺草隱隱起伏環山城立眞監牧地也五里牌頭
市道分爲兩北道出漁浦度浙江入杭東道入越輪
蹄擔負東視北不能十一市傍斗子巖巖旁獅子山
首昂背偃畧類狻猊五里寒熱阪五里宿硯石邨凡
行六十五里屢愒逆旅牆壁橫斜多市僧榜帖大要
皆尤人語斯其所以爲市道與悚然久之 九月一
日晨霧上橫隴東嶂出日金暈吞吐少焉全壁徑升
晃耀不可正視升數尺韜於雲絢采光麗因蔽益奇

非浮翳所能揜露道風葉皆鮮鮮有生意五里裏湖
五里蔡家塢五里桐木嶺五里諸暨縣入縣北門入
煙猶蕭疎縣方築社南垣兩松樛枝小異里許至市
自縣治前東折度下橋橋屋半圯矣並大溪行流甚
壯其源一自東陽一自浦江一自孝義至街亭合流
逕縣城又逕蕭山浮橋入浙江縣東陶朱山頗雄自
入新界已歸然見之出縣東門山益遠川原益曠田
萊多荒蓋沮洳不宜稼而然五里放生橋道左女貞
新葉生黃綠間錯如行閩粵荔枝林五里馬秀才店

店旁小室隨事蒔花草馬久罷舉矣三里雙橋坂二里烏石其南入剡百里而近十五里苦李橋溪磧頗清淺木陰扶疎百餘步入山徑五里至新店灣復得平地五里栗橋登栗嶺五里冷水望東嶺神祠縹緲雲間下坂稻穗垂黃際山數十里平鋪如拭洋洋乎富哉豐年之象道中所未見也五里宿楓橋鎮前歲析諸暨之十鄉卽鎮爲義安縣今年五月廢凡行七十里薄暮小雨二日辨色發楓橋陰風薄霧十里乾溪溪橋榆柳數百株有十圍者過橋繞山足行十

里古博嶺嶺左右皆叢篠五里洪口有別徑入明白
楓橋而上美竹佳樹相望近洪口曲折循小溪水聲
泠泠風物漸佳十里含暉橋亭天章寺路口也遂穿
松徑至寺寺蓋晉王羲之蘭亭山林秀潤氣象開敞
寺右臂長岡達橋亭植以松檜疑人力所成者法堂
後砌筒引水激高數尺堂後登堦四五十級有照堂
兩旁修竹木樨盛開軒檻明潔又登二十餘級至方
丈眼界頗闊寺右王右軍書堂庭下皆杉竹觀右軍
遺像出書堂徑田間百餘步至曲水亭對鑿兩小池

云是羲之鵞池墨池曲水乃汙渠蜿蜒若蚓必非流觴之舊斟酌當是寺前溪但歲久失其處耳由曲水亭穿小徑涉溪復出官道數里買舟泛鑑湖湖多湮爲田所存僅如溪港然秋水平岸菰蒲青蒼會稽秦望雲門諸山互相映發城堞樓觀跨空入雲耳目應接不暇入水門過南堰厯府學天慶觀至禹跡寺門捨舟外氏寓舍此寺拜外祖母溫國錢夫人伯舅叔舅溫國八十一矣氣貌視聽纔類五六十人與叔度同館於書室三日游外氏園有梅坡月臺菊潭杞

菊堂竹隱蒲澗橘洲因寺廢地葺治之十六七成矣
最勝者梅坡遶亭皆梅前對蒲澗橘洲野水灣環島
渚掩映如在江湖而竹隱一徑深幽堦庭清閑亦其
次也又過義恩師院院與杞菊堂鄰十年前嘗識之
午後自園後門穿僧菴度小橋轉三兩曲至圓通寺
舊乃興福寺子院去歲廢興福入圓通合二爲一埽
地更新面勢端直殿廡華敞殿後猶未畢工循舊路
後穿園中歸園後邊河岸木成陰舅氏云此卽蜀橙
木也植之方數年往時表裏無障蔽今不復見道上

車馬矣杜子美所謂飽聞橙木三年大信然是日薄

陰 四日飯已侍伯舅同叔度詹季章徽之泛小舟

出南堰繞城緣鑑湖訪蘇仁仲計議帥德於偏門外

皆前日初至所歷也居頗穩愜砌下瑞香兩本面皆

丈餘仁仲蘇子容丞相孫致仕間居年垂八十道前

輩事亶亶不厭出舊書數種管子後子容手書慶歷

乙酉家君面付猶蘇河陽所藏也紙尾銘款云惟蘇

氏世官學以儒何以遺後其在此書非學何立非書

何習終以不倦聖賢可及其曰書秩銘戒者子容所

識其曰先公銘戒者銘語亦同蓋子容之子所識也
紙背多廢牋簡刺字異今制者末云牒件狀如前謹
牒如前輩所記署銜多杭州官稱子容云知府舍人
乃知杭州時也歸舟烟雨晦靄游大能仁寺閱壯光
麗甲於會稽重殿複閣金碧相照寺吳越錢氏所建
頽廢久矣新於今主僧常坦之手二十年前見坦於
此寺方爲板下僧相與步敗簷毀垣間慨然有興作
意具道規模次第果不愆其素有志者事竟成如此
然益知民力之困也 五日義恩師約飯偕者蘇仁

仲伯舅叔舅潘叔度詹季章丁茂丁

松年

七六表弟

暨中食開霽晴光發窗心目頗快飯罷復陰晚步過

寺橋歷沈氏李氏園皆荒蕪脩竹猶森然 六日偕

石天民

斗文

潘叔度自前橋直道過郡庠道傍多流

水喬木殊不類鄺市教授廳後環碧亭小愒環亭皆

水敗荷折葦秋思甚濃石應之

宗昭

高應朝

宗商

亦

繼來遂自直舍入學夫子殿居中脩廊廣庭長松錯

列講堂榜以明倫後有稽古閣制作皆雄偉而閣下

尤勝疏達開豁擁牆密竹如雲晚冒雨歸 七日雨

不可出過詹季章位小閣因重屋樓板其間縱三弓
橫半之南北取屋山爲明遠山竹樹厯厯如畫蘆簟
仰承穹窿若船背幽潔極可愛名以越舫其狀真類
小舟也 八日早過大中戒珠寺王右軍故宅也屋
多人少頗牢落門有兩池亦稱右軍鵞池墨池畧無
意趣政如天章者皆後人彊名之耳殿後地漸峻石
應之寓居在焉遂與應之登雪軒軒占臥佛殿右偏
湖山聚落皆來獻狀以宜於觀雪得名今雖不與雪
值然霧雨空濛亦奇觀也寺後卽鼓山菰菜名圖經